

Hegoaldeko herritarren ustez beraien iritziak ez zaizkie politikoei axola

IKEIk gizarteko gai ezberdinei buruzko ikerketa aurkeztu zuen atzo Donostian

Alderdi politikoei herritarren iritziak kontuan hartzen ez dituztela uste dute Hego Euskal Herriko ia % 90 biztanlek. Politikariak «botoaz soilik interesaturik» daudelako ustea da Ikerkuntzarako Euskal Institutuak (IKEI) eginiko azken azterketaren ondorioetariko bat.

DONOSTIA

Juan Luis Llorens IKEIko zuzendari orokorrak eta Fernando Grafe erakunde honen ikerketa sozialaren zuzendariak Ikerkuntzarako Institutuak egin berri duen txostena aurkeztu zuten atzo Donostian. Lan honetan Hego Euskal Herriko bizilagunek gizarteko hainbat gai edo arazoren inguruan dituduzten jarrera eta iritzi ezberdinak bildu dira.

Fernando Grafe IKEIko ki-deak jakitera eman zuenez, politikarien aurkako jarrera kritikoak areagotu egin dira institutu honek 1990. urtean egin zuen txostena-ekin alderatuz gero.

Graferen esanetan, jarrera kritiko hau areagotzea «herritarren dezepzioak» eragin du, «politikarien praktika eta arazoak konpontzeko beraien gaitasunaren artean dagoen aldea» dela eta.

IKEIko arduradunak adierazi



IKEIko arduradunak atzoko prentsaurrekoan.

GILLENEA

zuenez, txosten honetan gizarte bortizkeriari buruzko galderak egin badituzte ere, biolentzia politikoiari dagozkion galderak alde batera utzi dituzte. «Inkesta ez dugu politikoen laginketa izaterik nahi; gizarteko kezken islada gisa besterik ez dugu agertu nahi izan», argitu zuen Fernando Grafe.

% 45 IRENTZEAREN ALDE Zentzu honetan, praktika sozial gisa biolentziak arazoak erabakitzeke duen justifi-

fikazio maila altua ageri da txostenean. Era honetan, inkestatuen % 45 bortxatzailea irentzearen aldeko dira «biktimaren familiak harrapatuz gero».

Grafe Donostian azaldu zuenez, «drogazale, ijito eta arazo psikikoak dituztenekin elkarbizitzea» baztertu egin du inkestatuen gehiengoak gai honi buruzko galderetan.

IKEIk osatu berri duen txosten hau iazko ekainean egin zuten Hego Euskal Herriko 1.600 biztanleren artean.

Ondorioak ondorio, «langabezia, lan baldintzak, familia arazoak, osasuna eta osasungintza» dira Hegoaldeko bizilagunen kezka edo arazo larrienak.

Eutanasiari dagokionez, berriaz, % 50 herritar «gaixoaren baimenaz heriotza aurreratzearen» aldeko dira. Ehunetik 22, ordea, «tratamendua bertan behera utzi eta oinazearen aurka» sendagaiak bakarrik ematearen» alde daude, IKEIko arduradunaren arabera.

Agure bat hil da Gasteizen kotxeak harrapatutik

GASTEIZ

62 urteko agure bat hil zen atzo goizaldean Gasteizko erdialdean trafiko istripu baten eraginez, hiriko Udaltzaingoa atzo emandako informazioaren arabera.

Gertaera hauek goizaldeko 4.30etan jazo ziren Los Herran eta Logroño kaleek bat egiten duten lekuan (autobus geltokiaren inguruan), 51 urteko pertsona batek zeraman Renault Clio ibilgailuak Alberto V.G. agurea harrapatu zuenean.

Istripu berean 62 urteko beste lagun bat ere zauriturik suertatu zen, baina berehala etxeratu zen Santiago ospitalean izan eta gero.

Hau baina ez zen izan atzo goizaldean Araban gertatu zen trafiko istripu bakarra. Bi lagun larri zauritu ziren goizaldeko 3etan Zigoitia herrian gertatutako beste trafiko ezbehar batean, Ertzaintzak atzo aditza eman zuenez.

Istrupua N-622 errepi-dean gertatu zen, Logroño 2.067-K matrikulako kotxea bidetik atera zenean.

Zauritutako bi pertsonak Gasteizko Txagorritxu ospitalera eraman zituzten eta atzo iluntzean aipatu eritetxean zeuden oraindik.

EDURNE KOCH



Iritsi dira kaldereroak

Atzo arratsaldean iritsi ziren 'Hungariako Kaldereroak' Donostiako kaleetara, Inauterien etorreraren berri ematera. Urteroko zitari hutsik egin gabe, dantza, musika eta zartagin doinu alaiak lagundurik, hiriko kale nagusietan zehar ibili eta Txofre plazan bukatu zen atzoko ekitaldia. Bertan, Kaldereroen erreperitorio osoa jo zuen Donostiako Kontserbatorioko Ikasle Bandak. Groseko Kaldereroen Konpartsa ageri da argazkian. Gipuzkoako beste hainbat herri ere bisitatu zituzten Kaldereroak.



**BERNARDO
ASTIAZARAN
OTAMENDI**

*Gu sortu ginen enbor beretik
sortuko dira besteak
borroko honetan iraungo
duten zuhaitz ardaxka gazteak*



HERRI BATASUNA



**JON
ANTXIA
ALBERDI**

*Kirolak gure bideak elkartu ditu.
Bihotzean gordeko zaitugu*

**SHEE-IVEF-ko
Ikasle Irakasleak**